



# SIUMUT INATSISARTUNI ILAASORTAATITAT / LANDSTINGSGRUPPEN

06. november 09

Inatsisartut suleriaasianni § 36 imm. 1 naapertorlugu Naalakkersuisunut apeqqut imaattoq matumuuna saqqummiuppara:

14.oktober apeqqutigisannut tunngatillugu, Ineqarnermut Naalakkersuisup akissutaanut tunngatillugu apereqqippunga.

1. **Namminersorlutik Oqartussanik illut pigineqartunit 30-399-nik taaneqartartunik najugallit, taamak annertutigisumik qaffaanissaq inoqutigiit qanoq amerlatigisut qaffaanissaq nammassinaavaat?**
2. **Qaffaanerup kingorna ineqarnermut tapiissutit (boligsikring) qanoq annertutigisumik aningaasartuuteqarnerulissava? Aningaasartuutaanerulertussallu kiap akilissavai?**
3. **Ukiuni taakkunani illunut akiliutaasartut (husleje) sumummita nakkartarsimagamik aserfallatsaaliinermut akissaqalersimangillat?**

(Inatsisartuni ilaasortaq, Malik Berthelsen Siumut)

1. Illut 30-399-inik taaneqartartut 51%-inmik akitsorneqarnissaat saqqummiunneqarmat, Naalakkersuisut siulittaasuata oqaatigaa, tamakkunani najugallit atorfikkaaginnaagamik taamak annertutigisumik qaffaanissaq pissusissamisuuginnartoq. Taamatut oqarnera upperalutigu aallaqqaammut qisuariarsimangilagut. Kisianni tusagassiuutinut minnerunngitsumillu uagutsinnut innutaasut eqqorneqartussat tutsiutillattaalermata misissorlugu aallartissimavarput, paasillutigulu Naalakkersuisut Siulittaasuata oqaatigisaa eqqunngitsoq. Assersuutigiinnarlugumi illoqarfinni piniartoqarfiusuni soorlu Kangaatsiami illut 26-it, Uummannami 37-it, Upernavimmi 33-it, Qaanaami 22-it, Tasiilami 53-it kiisalu Ittoqqortoormiini 21-it, tassa katillugit Nunarput tamakkerlugu illut 417-ini najugallit ukiortaamiit inuuniarnerat annertooujussuarmik eqqorneqartussaapput.

Inuit tutsiutillattaarneranni paasivarput annertooujussuarmik, allaat inoqutigiit nammassinnaanngisaannik qaffaavigineqalersut. Paasivarpummi ineqarnerinnarminnut minnerpaamik qaammammut 6.000 – 8.000kr.-nik akiliisallasat, kiassarneq, imeq, innaallagiasq eqqaaveqarnerlu suli ilanngunagit. Takorluulereersinaavarpullu akiligassat tamarmik ilanngukkaanni qaammammut minnerpaamik 8.000 – 10.000kr. angullugit akiliuteqartalissasut. Tamannalu inoqutigiippassuit taamak annertutigisumik qaffaanissaq nammassinnaanaviangikkaat paasivarput, ingammik Nuup avataani najugalinnit.



## SIUMUT INATSISARTUNI ILAASORTAATITAT / LANDSTINGSGRUPPEN

2. Tamanna tunngavigalugu ulloq 14.oktober § 36 aqcutigalugu apeqcutinnut Ineqarnermut Naalackersuisup akissutiginnarpaa, qaffaanissamut inoqutigiit akissaqanngikkunik ineqarnermut tapiissutinik qinnuteqaannarsinnaasut imaluunniit illortik pisiariinnarsinnaagaat.

Taamaattumik paaserusuppara ineqarnermut tapiissutinut aningaasartuuteqarnerulernissaq qanoq annertutigisumik qaffassanersoq aammalu qaffaassutaasussat kiap akilissanerai?

Ineqarnermut Naalackersuisup oqarneratut illutik pisiariinnassagaat, taamatut oqaannarnissaq aamma taamak ajornanngitsiginngilaq. Naluneqanngilarmi aningaasanik toqqorterisimannigikkaanni aningaasanik atorniarneq ajornakusoortuusooq, ingammik ukiuni makkunani aningaasanik ajornartoorfiunera eqqarsaatigissagaanni.

Soorunami akissallit pisinissaminnut periarfissallit piserusukkunik pisinissaat akornutissaqartinnigilarput.

Naalackersuisut kissaatigigunikku attartortut illut pisiarisinnaagaat, kajumissaarusuppakka attartortut pisinissaannut arlaannik oqilisaataasinnaasunik qularnaveeqqusiinermilluunniit periarfissaqarnersoq misissoqqullugu. Taamaasillutik Namminersorlutik Oqartussat aserfallatsaaliinermut aningaasartuutissaraluatik siunissaq eqqarsaatigalugu sipaarsinnaassammattigit.

4. Oqaatigineqarpoq tamakunani najugallit illumut akiliutigisartagaat appasippallaarmata aserfallatsaaliinissamut akissaqartoqarsimanngitsoq. Imaassinnaasormi taamaattoqartoq. Kisianni takorlooruminaatsippara ilumut taamaattoqarnersoq? Pissutigalugu illut tamakku ukiut 50-60-it matuma siornali sananeqarsimapput. Taamaattumik imminut akilereersimanissaat ilimagilluinnarpara minnerunngitsumik taamanikkut sanaartornermi akiusut eqqarsaatigissagaanni.

Taamaattumik paaserusukkaluarpara ukiuni makkunani ineqarnerinnarmut inoqutigiinniit akiliutaasartut qaammammut 4.000 – 6.000kr. sumut atorneqartarsimanersut?